

Mazarin
2504

Les Motifs De La Tyrannie
Dv Cardinal Mazarin


**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
2504

UNIVERSITY OF N.C. AT CHAPEL HILL



00023003367

2504
LES MOTIFS
DE LA
TYRANNIE
DV CARDINAL
MAZARIN.



A PARIS,
Chez ARNOULD COTINET, rue
des Carmes, au petit IESVS.

M. DC. XLIX.

LES MOTIFS

DE LA

TYRANNIE

DU CARDINAL

MAZARIN



A PARIS

CHEZ ARNOULD COTINET, rue

des Carmes, au petit HESUS.

M DC XLIX



LES MOTIFS DE LA TYRANNIE du Cardinal Mazarin.



OMME i'ay eu consideré la façon dont i'ay vecu, ie n'y trouue point de fautes qui meritent de s'y arrester: Et parce qu'en France les esprits sont plus scrupuleux qu'en Italie, ie me suis resolu de faire voir les raisons pourquoy i'ay traité les François tyranniquemēt, comme chacun dit, & monstrier qu'ayant fuiuy la piste de mon predecesseur ce grand Escolier de Machiavel, qui tenoit pour maxime; que le Tyran se deuoit introduire par la douceur; & maintenir par la cruauté, ie ne croy point auoir failly; l'ay grande obligation à ce personnage, dont i'honore la memoire, parce qu'il m'a reconnu digne de luy succeder par la manutention des siens, dōt pas vn n'auoit assez d'esprit ny de capacité pour se conseruer apres luy sans mon appuy: & quand ie m'approchay de luy, qu'il voyoit mon employ estre à controoller sa cuisine, & moucher des chandelles quand il jouioit, luy rendant des deuoirs cōme à vne Diuinité, il iugea que i'estois propre à continuër ses desseins, ne eroyant pas qu'en France il y eust personne à qui il se pust fier, tant à cause qu'il estoit hay generalement de tous les François, & mesmes des meschans à qui il donnoit employ; que pource qu'il ne iugeoit pas que dans la Monarchie autre que moy eust voulu faire ce que i'ay fait apres luy. Il est vray que depuis sa mort i'ay conduit la barque iusques à present si adroitement, que tout a flechy sous moy: & n'eust esté l'entremise que d'Emery a faite imprudemment contre tous les Officiers de France, ie n'aurois esté heurté: mais il a fait ce manquement, à quoy ie ne puis plus remedier: Aussi l'ay-je chassé de la Cour.

Auparavant cela, ie me seruois des bons preceptes du passé par prescriptions temeraires, emprisonnemens iniustes, supplices honteux, *bouconi segati*, & autres inuentions tyranniques, qui estoient necessaires pour me maintenir. I'auois acheué de ruïner les peuples & les Officiers par impositions & taxes extraordinaires, à quoy i'estois fort aydé par deux ou trois mille Partisans, gens de neant, de sac & de chorde, abandonnez à toutes sortes de meschancetez, qui estoient mes courtisans & mes esclaves, qui reduisoient les hommes au desespoir, par les violences qu'ils leur faisoient. A l'esgard de la Noblesse, ie l'ay destruite par elle-mesme, enuoyant les plus grands Seigneurs, Gentils hommes, & autres à la guerre, comme simples personnes, ne cognoissans leur facilité, & fomentant tousiours, comme estant le pretexte de mon deuancier qu'il prit pour le plus specieux, afin de regner lors qu'il fit rompre le traité qui auoit esté si solemnellement fait entre les deux Couronnes à Veruins, pour auoir subiect d'exercer toutes les cruautez imaginables sur les François, pour tirer l'argent du Royaume : Il s'empara de l'auctorité du defunct Roy, abusant de sa bonté il en esloigna Mere & Frere : Il establit dans les Charges de la Iustice, des Finances, & de la Guerre des Chefs à sa disposition : Il mit dans les Gouuernemens des Prouinces, Villes, Chasteaux, Citadeles, Havres, & Ports de Mer, des gens de sa Caballe, afin d'en disposer. Il destruisit la Rochelle & autres Villes qu'il croyoit luy pouoir faire obstacle ; Il mit les plus belles charges de l'Estat dans sa famille. Il se rendit Directeur general de tous les Benefices de France, qui sont à la nominatiō du Roy, pour les conserer à ceux de sa faction. Il enuoya dans toutes les prouinces des Intendans, pour y faire regner son nom, dont l'horreur faisoit trembler les peuples, joignant à ces Intendans des troupes de Voleurs appelez Fuzeliers, Sergens, & Archers, qui ruïnoient & desoloient les lieux où ils alloient pour violenter les subiects du Roy. Il autorisa hautement les Maltotiers & Partisans, par lesquels il faisoit faire des traitees iniques, & remplis d'impietez ; & se faisoit adorer comme vn Dieu par la violence de quantité de Filoux, Vagabonds, & Brigands

PBM 101

gands en grand nombre qui luy seruoient de gardes, & sous ce nom d'Eminence, tout craignoit, & rien ne luy estoit impossible. De maniere que sur vn si bel exemple, i'ay formé ma façon de regner, croyant qu'apres de si grandes instructions d'une personne dont la tyrannie estoit tant redoutée, ie pouuois continuer sur ses pas.

Je poursuiuis donc mon introduction sur l'auantage que mon bon-heur me donna d'estre honoré du Tiltre de l'arrain du Roy au nom de sa Sainteté. Ce qui me dōna l'audace, apres le deceds du feu Roy de parler plus facilement à la Reyne dans sa Regence, & d'auoir la qualité de premier Ministre au lieu de l'Euesque de Beauuais, tres-bon & sage Prelat, que ie fis esloigner de la Cour: & par mes conseils abusant de la pieté & bonté de la Reyne, ie fus faict directeur de l'éducation du Roy, & disposay la continuation des volleries & pilleries que faisoient les Partisans dans la France, sans qu'elle en sceust rien; Je confirmay les Intendans dans les Prouinces, & dans vne assemblée qui se fit de quelques Partisans avec moy chez d'Emery à la cheurette, apres auoir sardanapalisé ensemble, i'arrestay avec eux cette façon de viure. Et pour cet effect ie mis dans la Sur-intendance des finances d'Emery, parce que ie n'en cognoissois point de plus cruel, inexorable & perfide pour ayder à ma tyrannie; que luy, qui est originaire de mon pays, & que ie scauois qu'il pouuoit correspondre à mes fourberies & meschancetez, à cause que par les siennes il eschappa belles, lors qu'il estoit dans l'Argenterie du Roy, & qu'il passa dans l'intendance sous le nom de d'Emery, parce que le nom de Particelle estoit odieux à sa Maiesté: Et comme ie me voyois fermement estably, ie craignois le Duc de Beaufort, à cause de sa naissance, de son courage, & de son esprit. Je le fis arrester iniustement, & par l'entremise del'Abbé de la Riuiere homme de neant & d'argent, i'eus pour moy la faueur du sieur Duc d'Orleans, pour ne me point nuire en Cour. Je donnay de l'employ au Prince de Condé aux armées, afin de l'ocuper, pour ne luy pas donner loisir de me mettre mal aupres de la Reyne. I'estois au suprême degré de domination en France,

sans estre contrarié de personne; i'auois fait venir mon frere
 que ie fis promouoir au Cardinalat, moyennant douze mil-
 lions, & l'auois rendu Titulaire de l'Archeuesché d'Aix, &
 fait Vice-roy de Catalogne, Comme aussi i'auois fait venir
 mon Nepueu & mes trois Nièpces que ie faisois traiter de
 Princes & Princesses, quoy qu'enfans d'artisans mechainques,
 afin d'en faire des alliances dans les plus grandes familles du
 Royaume, pour soustenir & continuer ma tyrannie sous l'au-
 thorité Royale que i'ay vsurpée à la barbe de tous les François,
 & fait passer plus de cent soixante millions en especes delà les
 monts: Mais comme toutes choses sont subiettes à variété, &
 qu'il n'y a rien de permanent, pendant que ie me diuertissois
 aux bouffonneries de quantité de faquins de mon pays, que
 i'entretenois icy à graisse d'or, pour amuser la bonté de la Rey-
 ne à voir des Ballets & Comedies, pour luy empescher d'ouyr
 les clameurs des Peuples qui gemissoient en langueur sous la
 pesanteur d'une tyrannie insupportable, & pour lesquels i'a-
 uois des yeux de marbre, & des oreilles d'airain: Dieu suscita
 l'Auguste Parlement de Paris, qui par des assemblées, où vray-
 semblablement le Sainct Esprit presidoit, descouurit la cause
 des maux de la Monarchie, & en mesme temps y trouua le re-
 mede: d'où vint que mon aueuglement fut tel, que ie fis arre-
 ster aucuns d'eux, proscrire les autres, & les heurtay si hardi-
 ment, que tout Paris fut esmeu, se mit sous les armes, me
 contraignit honteusement de rendre & rappeler ceux que i'a-
 uois mal traité. Et comme ce Parlement ne faict rien que
 par meure deliberation & bien à propos, il ne voulut rien or-
 donner contre moy sur l'Arrest de 1617. dans la creance qu'on
 auoit dās mes promesses, que ie ne me messerois plus de l'Estat.
 Quelque temps se passa que tout estoit calme sous la bonne
 foy d'une Declaration faicte sur la reformation des desordres
 que i'auois continuez, laquelle estoit verifiée es Cours Souue-
 raines, chacun croyoit viure en repos, en attendant la conclu-
 sion de la Paix générale que ie promettois dans peu de temps,
 & en moy mesme ie premeditois vne vengeance contre le Par-
 lement & le Peuple, ie fis approcher des troupes de diuers

lieux aux enuiron de Paris, & par vne surprise digne de moy, pendant que les Parisiens prenoient quelque repos, la veille des Roys, à deux heures apres minuit, i'enleue la personne du Roy, & toute la maison Royale, Princes & Princesses, se rendirent avec moy dans Sainct Germain en Laye, & en mesme temps ie fis bloquer Paris. Ce qu'estant faict, le Parlement députa les gens du Roy pour venir en Cour, ie leur fis desnier l'audience, & les fis renvoyer nuittamment, dont ie me repens bien fort, cela ayant donné sujet au Parlement de faire iustice contre moy, & de me declarer Perturbateur du repos public, ennemy du Roy & de son estat, de faire leuer les armes contre moy. Ce qui me reduit au desespoir, parce que ie voy l'vnion des Parlements de France avec celuy de Paris, la conformité de toutes les Villes avec celle de Paris, & que le ressort que i'attendois par vne sedition que ie faisois exciter dans la mesme Ville à faute de pain, m'a māqué par la prudence du Parlemēt, qui y a si bien & adroittement pourueu, que les viures n'y ont point manqué: Il ne me reste autre appuy que celuy du Prince de Condé, qui me tesmoigne grande affection, ayant pour mon subiet pris les armes contre son pays natal, & la plus florissante Ville de l'Vniuers, & à son desauantage mesme, enquoy ie luy suis fort obligé: & si Dieu l'illumine pour considerer ce qu'il faict, & qu'il me tourne le dos, comme i'en ay grande crainte, ie suis perdu.

FIN.

